

आकाशवाणी

खबरां ---

1. प्रधानमंत्री नरेंद्र मोदी ते दक्खन कोरिया दे राश्ट्रपति Lee Jae Myung होर नमीं दिल्ली च प्रतिनिमंडल स्तर दी वार्ता च शामिल होए, दपक्खी रिश्ते गी मजबूत करने आस्तै दवे धड़ें 4 समझौता पत्रें पर हस्ताक्षर कीते।
2. तमिलनाडू ते पच्छिम बंगाल च मतदाताएं गी रिझाने आस्तै राजनीतिक दलें दे नेताएं बक्खिया कोशिशें तेज।
3. जम्मू-कश्मीर दे उधमपुर जिले च इक्क शिडक हादसे च 15 लोकें जान मुहाई दिती। राश्ट्रपति ते प्रधानमंत्री होरें शोक जाहिर कीता।
4. राश्ट्री सुरक्षा सलाहकार अजीत डोवाल होरें पच्छिम एशिया संकट दे चलदे उर्जा सुरक्षा गी मजबूत करने आस्तै रियाध च साउदी नेताएं कन्नै दपक्खी गल्लबात कीतीं
5. ईरान नै अमरीका कन्नै दुए चरण दी गल्लबात करने आस्तै इंकार कीता ते वाशिंगटन दी मंगें गी असलियत दा परे दस्सेआ।
6. आई.पी.एल क्रिकेट च अज्ज संझा गुजरात टाइटन्स दा मुकाबला मुम्बई इंडियन्स कन्नै अहमदाबाद च होग।

<><><><><><>

PM-Korea Prez.

प्रधानमंत्री नरेंद्र मोदी होरें दक्खन कोरिया दे राष्ट्रपति Lee Jae Myung हुंदे कन्नै प्रतिनिधिमंडल स्तर दी गल्लबात अज्ज नमीं दिल्ली च कीती। बैठक रान भारत ते दक्खन कोरिया नै बक्ख-बक्ख खेत्तरें च 4 सहमति पत्रें पर दस्तखत कीते। खेड्ड, सांस्कृतिक ते रचनात्मक उद्योग इंदे च मुख्ब हे। इक संयुक्त प्रेस वार्ता गी संबोधित करदे होई मोदी होरें आखेआ जे लोकतांत्रिक मुल्ल, बजारें दी अर्थव्यवस्था ते कनून आस्तै इज्जत-मान दवें देशें दे डीएनए च ऐ। उनें जोड़ेआ जे भारत प्रशांत गी लेइयै दवें देशें दा रूख इक्कै ज्नेया ऐ। मोदी होरें दस्सेआ जे पिछले 10 बरें च दवें देशें बश्कार रिश्ते अच्छे रेह न। राष्ट्रपति ली हुंदे दौरे कन्नै दवें देशें बश्कार भरोसे आहली सांझेदारी भविक्ख च होर मजबूत होगा।

<><><><><><>

T.N-Campaigning

तमिलनाडू च तेलगु देसम पार्टी दे नेता ते आंध्र प्रदेश दे मुख्बमंत्री चंद्र बाबू नायडू ते केंद्री नागरिक उड्डयन मंत्री ते टी.डी.पी नेता किंजारापू राममोहन नायडू होरें एनडीए गठबंधन आस्तै कोयंबटूर च प्रचार-प्रसार कीता। नायडू होरें आखेआ जे प्रधानमंत्री नरेंद्र मोदी हुंदे हत्थ मजबूत करने चाहिदे, कीजे राज्य ते राष्ट्र विकस दी राह पर इकठ्ठे चलन। कांग्रेस नेत राहुल गांधी होरें विरूधुनगर च अगल लगने दी दुर्घटना दे शिकार लोकें प्रति हमदर्दी जताई। ओहू कन्याकुमारी च इक जनबैठक च बोला'रदे हे। राहुल गांधी होर चुना प्रचार दे सिलसिले च राज्य दी बक्ख-बक्ख थाहरें पर जारदे न। कन्याकुमारी च चुनां प्रचार करदे होई उनें आखेआ जे देश आस्तै हर इक राज्य ते ओदी भाशा महत्वपूर्ण हे। उनें ए.आई.ए.डी.एम.के दी नुक्ताचीनी कीती। बीजेपी नेता अन्नमलाई होरें प्रचार दरान आखेआ जे कुसा बी डीएमके गठजोड़ पार्टी नै डीएमके प्रमुख दी सराहना नेई कीती।

<><><><><><>

WB-Campaigning

पच्छिम बंगाल च विधानसभा चुनाएं दे पैहले चरण आस्तै प्रचार लेई छड़े दो दिन बचे दे न ते इस करी बक्ख-बक्ख राजनीतिक दलें दे वरिष्ठ नेता वोटरें गी अपने पासे करने लेई कोई कसर नेई छोड़ा'रदे न। बीजेपी नेता ते केंद्री मंत्री जे.पी नड्डा होर बंकूरा दे कोटुलपुर च इक जनबैठक च शामिल होए। तृणमूल कांग्रेस नेता अभिशेक बंदोपाध्याय होरें बी बंकूरा दे रानीबंध च इक कार्यक्रम गी संबोधित कीता। बीजेपी नेता राजनाथ सिंह होरें वीरभूम च लोक बैठक गी संबोधित कीता ते बीजेपी प्रमुख नितिन नबीन हुंदा पूरबा मेदिनीपुर च रोड शो च शामिल होने दी मेद ऐ। तृणमूल कांग्रेस प्रमुख ते पच्छिम बंगाल दी मुखमंत्री ममता बनर्जी होरें उत्तर 24 परगाना दे खरदाहा च जनरैली गी संबोधित कीता। कांग्रेस प्रधान मल्लिकार्जुन खड़गे होरें कूचबेहाड़ ते सिलीगुड़ी च जनरैलिंग गी संबोधित कीता।

<><><><><><>

Prez. Modern Nations

राष्ट्रपति द्रोपदी मुर्मू होरें आखेआ ऐ जे ढांचागत विकास इक ऐसी बुनियाद ऐ जेदे पर विकसित राष्ट्र खड़ोते न। उनें आखेआ जे विकसित ढांचे करी खर्चे घटदे न, बपार बढ़ा ऐ ते निवेश उत्पादन च बाढ़ा हुंदा ऐ। रेलवे ते जरनैली शिड़कें दी महत्वता पर लौ पांदे होई राष्ट्रपति होरें आखेआ जे परिवहन दे इनें साधनें, राष्ट्र दे दूर-दूरेडे इलाके दे सामाजिक आर्थिक विकास आस्तै बथेरे मौके उपलब्ध कराए न। उनें आखेआ जे साधन छड़े परिवहन दा जरिया नेई ऐन, सगुआं आर्थिक विकास, सामाजिक समावेश ते राष्ट्री एकता दे बाढ़े च अहम भूमिका निभा'रदे न। राष्ट्रपति होरें केंद्री इंजीनियरिंग सेवा दे भारती रेलवे ते सहायक कार्यकारी इंजीनियरें दे प्रोबेशनरी अधिकारिएं कन्नै गल्लबात करदे होई एहू गल्ल आक्खी।

<><><><><><>

Rijju-Oppotion

संसदी मामलें दे मंत्री किरण रिजिजू होरें अज्ज आखेआ जे महिला आरक्षण कनून बी रोकने दा नतीजा विपक्ष गी भुगतना पौग। मीडिया कन्नै बोलदे होई रिजिजू होरें कांग्रेस ते दुई पार्टिं दी नुक्ताचीनी कीती। उनें आखेआ जे देश दी महिलां बड़ी गुस्से च न ते डर देचलदे विपक्षी दल सफाइयां देआ'रदा ऐ।

<><><><><><>

Accident

उधमपुर जिले च पेश आए दे इक शिडक हादसे च 21 लोक मारे गए ते 61 होर दुए घाऽल होई गए न। आकाशवाणी जम्मू दे संवाददाता दी रिपोर्ट मूजब बडुलै तकरीबन 10 बजे रामनगर दे खगरोट थाह इक त्रिक्खे मोड कश एह हादसा पेश आया। हादसे मगरा घाऽलें गी अस्पताल पजाया गेआ जिंदे चा किश दी हालत चिंता आहली दस्सी गई। गंभीर तौर पर घाऽल 2 लोकें गी जीएमसी जम्मू आहन्नेआ गेआ। एह बस उधमपुर जा'रदी ही जिसले एह हादसा पेश आया। राष्ट्रपति द्रौपदी मुर्मू, प्रधानमंत्री नरेंद्र मोदी, उपराज्यपाल मनोज सिन्हा, मुख्मन्त्री उमर अब्दुल्ला, उपमुख्मन्त्री सुरिंद्र चौधरी ते होरनें दुए मंत्रिं बी इस बस हादसे पर दुख ते बसोस जाहिर कीता ऐ।

<><><><><><>

Accident Fin

मुख्मन्त्री उमर अब्दुल्ला होरें हादसे पर दुख ते बसोस जतांदे होई आखेआ जे कोई बी माली इमदाद इस नुसकान गी पूरा नेई करी सकदी ऐ। उनें मुख्मन्त्री राहत कोष थमां मारे गेदे लोकें दे परोआर गी सहायता, गंभीर तौर पर घाऽलें गी इक्क-इक्क लक्ख रपे ते ममूली तौर पर जख्मियें गी 25-25 ज्हार रपे देने दी घोशणा कीती ऐ। प्रधानमंत्री नरेंद्र मोदी होरें उधमपुर जिले च पेश आए दे शिडक हादसे च मारे गेदे लोकें दे नेडमें रिश्तेदारें गी 2-2 लक्ख रपे ते घाऽलें गी 50-50 ज्हार रपे देने दी घोशणा कीती ऐ।



NSA-Saudi Leadership

राष्ट्रीय सुरक्षा सलाहकार अजीत डोबाल होरें वरिष्ठ साउदी नेतृत्व कन्नै उच्च स्तरीय बैठकां कीतियां जिंदा मकसद दपक्खी रिश्ते मजबूत करना ते पच्छिम एशिया संकट बश्कार उर्जा सहयोग गी बदाना हा। एह दौरा भारत साउदी अरब बश्कार रणनीतिक सांझेदारी गी मजबूत करने बक्खी इक कोशिश ऐ। इक बयान च रियाध च भारत दूतावास नै आखेआ जे चर्चाएं च बडे सारे मुद्दे शामिल हे, खास करिए दपक्खी सहयोग, क्षेत्रीय सुरक्षा चिंता ते आपसी हितें दे दुए मुद्दें पर चर्चा होई। दौरे दुरान डोबाल होर साउदी दे वरिष्ठ नेताएं, जियां उर्जा मंत्री प्रिंस अब्दुल्लाजिज बिन सलमान, विदेश मंत्री प्रिंस फैजल बिन फरहान ते राष्ट्रीय सुरक्षा सलाहकार मुसैद अल एबान हुंदे कन्नै मलाटी कीती।



VP-Srilanka

उपराश्ट्रपति सी.पी राधाकृष्णन हुंदी 2 दिन दी श्रीलंका यात्रा सम्पन्न होई गेई। यात्रा दरान आपसी सरबंधें ते विकास कन्नै जुडे दे सहयोग बी लगातार मजबूती देने पर जोर दित्ता गेआ। एह्दे थमां पैहले उपराश्ट्रपति होरें श्रीलंका दे नुवारा एलिया च भारती आवासीय परियोजना तैहत तैयार मकानें दा दौरा लाया ते लाभार्थीएं कन्नै गल्ल कीती। उपराश्ट्रपति होर राधा कृष्णन सीता अम्मन मंदर ते हनुमान कोविल बी गए जेडे दौनें मुलखें बश्कार सांस्कृतिक जुड़ाव दा प्रतीक ऐ। उनें मंदर दे नवीनीकरण च सहयोग देने दी प्रधानमंत्री नरेंद्र मोदी हुंदी घोशणा दी गल्ल कीती।



Public-Speak

स्थाडा दऊं भाशाएं च प्रसारित होने आह्ला लाइव फोन इन प्रोग्राम जेडा अज्ज राती साड्डै 9 बजे प्रसारित होग, अस वर्ल्ड अर्थ डे-सोलर फॉर ए सस्टेनेबल फ्यूचर यानि विश्व धरती दिवस: टिकाउ

भविष्य आस्तै सौर उर्जा विशे पर चर्चा पेश करगे। चर्चा च सौर उर्जा दे राश्ट्री इदारे दे महानिदेशक डॉ. मोहम्मद रिहान होर अपने माहिरना बिचार सांझा करंगन। कार्यक्रम दरान श्रोता इस विशे पर सवाल पुच्छी सकदे न। एह्दे आस्तै तुस इनें नम्बरें पर काल करी सकदे हो, नंबर न 01123310481 ते 01123717117

<><><><><><>

India-US Trade Negotiations

भारत ते अमरीका अपने प्रस्तावित पदक्खी बपार समझौते दे पैहले चरण च गल्लबात अज्ज परतिए शुरू करंगन। एह गल्लबात 20 थमां 22 अप्रैल धोड़ी वाशिंगटन डी.सी. होगा। वाणिज्य विभाग च अतिरिक्त सचिव दर्पन जैन होर भारती प्रतिनिधिमंडल दी अगुवाई करारदे न। कस्टम ते विदेशी मामलें सरबन्धी मंत्रालय दे अधिकारी बी भारती दल दा हिस्सा न। त्रै दिन चलने आहली गल्लबात दा मकसद वैश्विक किराएं च बदलाव दे चलदे नमां खाका तैयार करना, 4 म्हीनें च इस बैठक च पैहली बारी दवें बक्खी दे प्रतिनिधिमंडल आमने-सामने गल्लबात करंगन जिस दरान चर्चा वर्चुअल ढंगे जारी रौहग।

<><><><><><>

T.N Blast Death Toll

तमिलनाडू च विरूधुनार जिले दी इक्क पटाखे दे फैक्टरी च धमाका होने करी मरने आहलें दी गिनतरी 25 पुज्जी गई ऐ। एह हादसा उसलै पेश आया जिसले मजदूर रसायनें कन्नै कम्म करारदे हे। मलबा हटाने दरान होए दे दुए धमाके च पिछली रातीं 12 लोक घायल होई गए न। मरने आहलें च 22 महिलां, 3 मर्द हे ते 18 जनें सरवाइकरनपट्टी थमां हे। तोआई, आई.ए.एस अधिकारी गोविंदा राओ हुंदी अध्यक्षता च इक जांच आयोग स्थापित कीता गेआ ऐ। विरूधुनगर, सूबापुत्रा ते जिला कलैक्टर ते एस.पी. स्त्रीनाथा होर बी जांच आयोग दा हिस्सा न।

<><><><><><>

Iran -Peace Talks

ईरान ने अमरीका कन्नै दुए गेड़ दी शांति वार्ता लेई राजी होने थमां इंकार करी दिता ऐ- जिसले के अमरीकी डोनाल्ड ट्रम्प होरें आखेआ हा जे अमरीकी वार्ताकार गल्लबात करने आस्तै अज्ज रातीं पाकिस्तान पुजगंन। ईरान दी अधिकारिक समाचार एजेंसी IRNA नै आखेआ ऐ जे वाशिंगटन दी बड़ी मती मंगें- गैरहकीकी आसें-तांगे ते रौंऽ च लगातार तब्दीली सनें घड़ी-घड़ी विरोधाभास ते नौसेनिक नाकेबंदी करने दे चलदे गल्लबात मना कीती जा”रदी ऐ। उ’नें इस नाकेबंदी गी संघर्ष विराम दी शर्ते दी उल्लंघना करार दिता। ईरान दे Revolutionary Guard नै होर्मुज जल डमरु मध्य गी बी बंद करी दिता ऐ- जेहदे च बपारी ज्हाजें गी स्पष्ट इजाजत हासिल करने ते गार्ड मंजूरशुदा रस्तें पर गै चलने दी लोड़ दस्सी गेई ऐ। चेतावनी दिती गेई ऐ जे बगैर मंजूरी दे औने आहलें ज्हाजें गी निशाना बनाया जाई सकदा ऐ।

<><><><><><>

Trump -Cargo

अमरीकी राश्ट्रपति डोनाल्ड ट्रम्प होरें आखेआ ऐ जे अमरीका नै कल होर्मुज जल डमरु मध्य दे नेड़े नौसैनिक नाकेबंदी गी रोकने दी कोशश करने आहले ईरान दे झंडे आहले मालवाहक ज्हाज गी जबरन जब्त करी लैता ऐ- जेहड़ा पिच्छले हफ्ते ईरान दे बंदरगाहें दी नाकेबंदी शुरु होने मगरा इस चाल्ली दी पैहली कारवाई ऐ।

<><><><><><>

IPL

आई.पी.एल क्रिकेट च अज्ज गुजरात टाइटन्स दा मुकाबला मुम्बई इंडियन्स कन्नै नरेंद्र मेदी स्टेडियम अहमदाबाद च होग। मैच संझा साङ्गे 7 बजे शुरू होग। पैहले पंजाब किंग्स नै लखनऊ सुपर जायंट्स गी पिछली रातीं 54 रन कन्नै चंडीगढ़ च हराया।

<><><><><><>

MP-BJP

मध्य प्रदेश दे भोपाल च भारती जनता पार्टी नै अज्ज महिला आक्रोश रैली दा आयोजन कीता। भारती जनता पार्टी दा आखना ऐ जे विपक्ष नै महिलाएं दे अधिकारें दे कन्नै खिलवाड़ कीता ऐ ते अज्ज दी रैली इससै दे बरोध च कड़ी गई ऐ।

<><><><><><>

CM-Sungal Tunnel

मुख्यमंत्री उमर अब्दुल्ला होरें जम्मू पुंछ राष्ट्री जरनैली शिड़क पर सुंगल सुरंग परियोजना दा जायजा लैता। नौशहरा जंदे मौके मंत्री होरें सुंगल सुरंग परियोजना दा जायजा लैता। इस बारे जानकारी मुख्यमंत्री होरें सोशल मीडिया पोस्ट एक्स पर दिती। दौरे दरान उनेंगी निर्माण दी स्थिति बारे जानकारी दिती गई। एह सुरंग अखनूर ते पुंछ बश्कार राबता कायम करोग ते एह रणनीतिक तौर पर महत्वै आहली जरनैली शिड़क पर बनने आहली 4 सुरंगें चा इक ऐ।

<><><><><><>

WB -Voters

चुनांस आयोग नै पच्छिम बंगाल च असैम्बली चुनाएं दे पैहले गेड़ लेई मतदाताएं दी गिनतरी दे आंकड़े जारी कीते न। अधिकारिक आंकड़े मताबक इस गेड़ दे तैहत 3 करोड़ 60 लख 77 ज्हार 171 योग्य मतदाता वोट पाने दे अपने अधिकार दा इस्तेमाल करडन। इंदे चा इक करोड़ 84 लख 99 ज्हार

496 मर्द मतदाता- इक करोड़ 75 लख 77 ज्हार 210 महिला मतदाता ते 465 थर्ड- जेंडर मतदाता न। अदालतें आसेआ योग्य मतदाताएं दी मुक्कदी सूची जारी करने दे बाद इनें आंकड़े च होर बाद्दा बी होई सकदा ऐ।

<><><><><><>

Vermicompost-Shipment

उत्तर रेलवे दे जम्मू डिविजन नै अंबाला थमां अनंतनाग च वर्मिकम्पोस्ट फर्टीलाइजर यानि के गंडोए आले हैल दी पैहली खेप पजाइयै माल ढोआई दे खेत्तर च इक महत्वपूर्ण उपलब्धि हासल कीती ऐ। आकाशवाणी दे जम्मू संवाददाता नै जानकारी दिती ऐ जे डिविजन दी बपार विकास इकाई आसेआ एहू गैहू इस करियै पुट्टी गई ऐ तां जे लौहके बपारियें गी रेलवे आसेआ सर्मिन दित्ता जाई सकै। सीनियर डिविजनल कमर्शियल मैनेजर उचित सिंघल होरें दस्सेआ जे इस खेप च हैल दे 1 ज्हार 200 बोरे शामिल हे, जेहदा वजन तकरीबन 60 टन हा। इसी अंबाला च सीकरी फार्म्स आसेआ भेजेआ गेआ हा ते कामयाबी कन्नै कश्मीर तगर पजाई दित्ता गेआ।

<><><><><><>